

Czwickkaw also meyne libin herren, mir dasz in uwirn stadtbuch zcu vorzeichnen zcu bekentnusz, dasz sich dasz also halten stete vil. Gescheen in keginwertigkeit des vehstin Mulich von Karlwicz, Paul von Weyssbach, Nickel Storm, burgermeister dy czeit zcu Czwickkaw, Hans Schengck, Rudolff Czechaw am ffrytag noch der heiligin dry konige tag anno in dry unnd sechzigisten.

a) über die Zeile geschrieben

1060.

(1463 Januar 29)

Notiz über eine Bürgschaft.

fol. 200v Item am sonabende nach Pauli [*conversionis*] ist Nicolao Werber, Hans Brutegam samt purge vor 4 ½ alt dovor der rath keyn Friderichin Blangkin arm man eyn gewer gethan hat.

1061.

1463 (Januar 27)

Nickel Heinrich und sein Vater einigen sich mit Lucas Grüner über ein Geldgeschäft.

fol. 201r Ist am dornstag noch Pauli [*conversionis*] anno domini tausent vierhundert darnoch in dem dryunndsectzigistem jare ein gutlich entschydung gemacht unnd verricht von meister Heinricus von Glauchaw, Nickel Heinrich, seynem vater, unnd Lucas uff dem anderen teil, dasz alle sachen, dy meister Heinricus zcu Lucas gehabt hat, gutlich entschiden seint, dasz om Lucas Grüner eyn kelich sal rechen unnde seynem vater irlaszen sal czwey ß gr, darwider om magister Heinricus erlasung sal thun 3 ß gr, dy om sein freundin, Lucas muter, beschydenn hat ^{a)} und om Nickel Heinrich 8 ß gr gegeben sal, ^{a)} alsz dasz vormalsz von dem rath vorteydiget ist, dasz alle sache, wasz dasz sey, gutlich entschyden sulle sein. Blangende Lucas, magistrum Heinricum unnd Nickel Heinrich von Glauchaw, alsz vorgeschriben ist, zo ist solch gutlich bericht abermalsz vornewt unnd gutlichen vorricht, dasz alle sache basz uf hute gschriben dyszer scrift alle vergangen sachen, wy dy namen gehalten, gancz unnde on allinn ansprach abegethann sullen werden, fordern nichtisz zcu fordern noch an zcu langen denne vonn weydenn parteyn. Dasz sy denne alsz gancz mechtlichen verkort unnde ^{b)} gebilt haben, steten zcu halten. Actum in p(rese)ntia Nicolai Storm, burgermeister, Paul Strodel, advocati, Hans Preamsigen, Furster, Hans